

1 Imēn e'em kawēn xipatat Jesus Cristo
beap. Jesus Cristo Topaḡa ipot.

2 Topaḡa o'tupmubararak at Isaías pe. Ixe
Isaías Topaḡa ekawēn muwēnuwēn'ukat osunuy.
O'tupmubararak João beap. Iboap o'ḡubararak
tup pe.

--Eya'ōpicūḡcūḡ. Ōn Topaḡa, io'e. Wemu-
mujuat oḡuju ajēm awap. Ixe iemukacūḡ ewebe
3 am. Ixe jewāwāwām uk'a'ūmat pe. "Kariwa
e epesuemudim cuy" i'e'em io'e. "Epesuemu-
cūḡ cuy cebe am" i'e'em io'e.

Imēn ibararak opop Topaḡa ekawēn tup
pe--Isaías o'ḡubararakiatup pe.

4 Ḡuyjom João o'jebapuk uk'a'ūmat pe.
Wuyjuyū butetatam oeku. Wuyjuyū mukūyjojom
oeku.

--Eyḡuycūḡcūḡ epe'e eykērēat kuḡ puye.
Epeyewebuteta juy. Iboap epe'e Topaḡa be
eykērēat uk am, io'e.